

# PHATLALATSO E AKARETSANG

For Immediate Release - Ref: 07062022/2



Signed

Date:

DD MM YYYY  
07 Jun 2022

## CHELETE EA MOKUNYATA

Banka e Kholo ea Lesotho e hlokometse hore ho na le chelete ea mokunyata ea Maloti a lekholo (M100.00). Litaba tsena li fihlile ho Banka ka Sepolesa sa Lesotho (LMPS) le ka likhatiso tsa marang-rang (clips).

Banka e Kholo ea Lesotho e amohela ngongoreho eo sechaba se e bontsitseng ka ketso ena e malimabe ka ho etsa tlhokomeliso ele ho sireletsa seriti sa chelete ea Naha. Le ha ho le joalo, Banka e Kholo e hlokomelisa sechaba hore ke Banka e Kholo ea Lesotho feela e nang le tokelo ka molao (CBL Act 2000) ho ruta le ho etsa litsebiso tsoohle tse amanang le ts'ebeliso ea chelete naheng ea Lesotho. Ka hona, ha batho ba fumana chelete ea mokunyata ba kupuo ho e tlaeha ofising e haufi ea Sepolesa sa Lesotho hang hang se tsebe ho thakhola lipatlisiso. Hape batho ba ka tsebisa Banka e Kholo ea Lesotho ele hore e sebetse taba ena ka tsela ea molao ho latela CBL Act 2000.

### Sechaba se hopotsoa ka mats'oao a ts'ireletso a chelete ele ho qoba boqhekanyetsi bona

#### Mothati oa pele oa ho sheba

1. Ha u phahamisetsa chelete khanyeng, o tla hlokomela ka letsohong le letsehali la chelete sets'oantso se ipatileng sa Morena Moshoeshoe I, katiba ea mokorotlo le boleng ba chelete.
2. Motsero o parolang chelete ka lehare o hlahellang e ka o rokeletsoe . Ho Maloti a makholo a mabeli (M200) ho bonahala motsero o motenya oo hare ho oona ho nang le katiba ea mokorotlo le thebe. Motsero ona o tsoeella kamorao ho chelete.
3. Ka hare ho katiba ea mokorotlo e pela motekeno oa mookameli e moholo oa Banka e Kholo, ho hlaha boleng ba chelete ebile lets'oao lena le bonaletsa hofihlela kamorao ho chelete.

#### Mothati oa bobeli oa ho tsamaisa menoana holima chelete

4. Ha u tsamaisa menoana holima mongolo "Central Bank of Lesotho" ho tla utloahala ho hoasha kapa ho khopeha kaha mongolo oo o phahamisitsoe o se boreleli feela.

#### Mothati oa Boraro oa ho sekamisa chelete

5. Ka lehlakoreng le letona la chelete ho na le lets'oao le benyang, ha u sekamisa chelete ho hlaha litsoantso tse fapaneng joalo ka kuena le boleng ba chelete
6. Ha u sekamisa chelete u e bapisa le mahlo a hau, o bona boleng ba chelete tlasa sefahleho sa Motlotlehi Moshoeshoe I.

**Bakeng sa lipotso le lithakisetso letsetsa Banka e Kholo ea Lesotho linomorong tsena: 58880647.**